

ձիւ գումարտակները վերածել զնոյրի: Կարճ ժամանակում կազմեցին վեց հայկական զնոյր՝ իւրաքանչիւրը բաղկացած 2 գումարտակից:

Արագ թափով զարգացող ղէպքերը, սակայն, անհրաժեշտ դարձրին հայկական աւելի խոշոր զինուորական միութիւնների ստեղծումը, և հոկտեմբերին Հայոց Ազգային Խորհուրդը նոր զիմում արաւ՝ խնդրելով հայկական զօրազնոյրի թիւը հասցնել 8-ի, իւրաքանչիւր գունդը դարձնել 3 գումարտակից, և այդ 8 զնոյրը բաժանել չորսական զնդանոց երկու զիվիզիայի, մէկ բրիգադ այրուձիով, 15 մարտկոց հրետանիով ու յարակից տեխնիկական մասերով:

Կառավարութեան ոչինչ չէր մնում, բայց եթէ բաւարարել այդ ղիմումը, քանի որ ռազմաճակատի փլուզումը ստանում էր աղէտաւոր ձևեր, և հայկական զօրամասերը կարող էին որոշ չափով մեղմացնել զրուժիւնը: 1917թ. դեկտ. 13-ին, կովկասեան բանակի գլխաւոր հրամանատարը № 136 հրամանով արտօնեց կազմել հայկական կորպուս՝ հրամանատար նշանակելով ռուսական բանակի լաւագոյն զինուորականներից մէկին՝ զօր. Թովմաս Նազարբէգեանին և սպայակոյտի պետ՝ զօր. Վիշինսկիին:

Սկսեց կազմակերպական եռուն աշխատանք: Ազգային Խորհուրդը իր միջից կազմեց առանձին մի մարմին Ստ. Մամիկոնեանի գլխաւորութեամբ, որ զբաղւում էր կորպուսի գործերով: Չօր. Նազարբէգեանի մօտ զինուորական նախարար Դոնսկոյի կողմից նշանակեց յատուկ կոմիսար՝ Դրօն և վերջինիս օգնական՝ Սարգիս Մանասեանը: Հետզհետէ հաւաքեցին ռուս բանակի հայ սպաներն ու զինուորները և իրար յետեւից վերակազմեցին հին մասերն ու կազմեցին նորերը: Ազգ. Խորհուրդին և կորպուսի հրամանատարութեան զգալի օժանդակութիւն էր ցոյց տալիս և Հայ Զինուորական Միութիւնը սպայ Արսէն Շահմազեանի նախագահութեամբ և մի շարք եռանդուն սպաների անդամութեամբ—Գ.Տէր-Օհանեան, Տ.Անիեան և այլն:

Հայկական կորպուսի կազմակերպութեան զուգընթաց զօրահաւաքման ու զինուորական ուժերի կազմակերպումի գործով զբաղւած էր և արեւմտահայութիւնը, որը, աւելի քան ուրիշը, սարսափում էր կազմալուծումից և միջոցներ էր խորհում ճակատի փլուզումի առաջն առնելու համար:

Արեւմտահայ Բիւրօի նախաձեռնութեամբ, 1917թ. դեկտեմբերի ըսկզբներին, Թիֆլիսում, գումարեց արեւմտահայութեան մարմինների ու քաղաքական հոսանքների ներկայացուցիչներից ու գործիչներից կազմւած մի խորհրդակցութիւն, որը մանրամասն քննութեան առնելով ճակատի պաշտպանութեան խնդիրը՝ որոշեց իր վրա առնել արեւմտահայկական մարտական ուժերի կազմակերպումը: Այդ նպատակով ընտրեց յատուկ մի մարմին՝ Ապահովութեան Խորհուրդը, որի մէջ մտան՝ Վահ. Փափազեանը (նախ.), Սեպուհը, Ա.Թերզիպաչեանը, Յ.Տէր-Չաքարեանը, և Ժ.Միրզախանեանը: Խորհրդակցութիւնը որոշեց նաև յայտարարել պարտադիր զօրակոչ բոլոր արեւմտահայերի համար: Կազմելու էր արեւմտահայկական առանձին զիվիզիա: Ենթադրւում էր ստեղծել 15-20 հազարանոց մի զօրամաս:

Պէտք է ասել, որ ղեռ այս որոշումից առաջ, զանազան վայրերում,